



ს ა ქ ა რ თ ვ ე ლ ო  
სამტრედიის მუნიციპალიტეტის საკრებულო



ოქმი:ლ63. 6324093001

თარიღი:02/04/2024

სამტრედიის მუნიციპალიტეტის V მოწვევის  
საფინანსო -საბიუჯეტო საკითხთა  
კომისიის სხდომის  
ოქმი N6

ქ. სამტრედია 26 მარტი, 2024 წელი.

მიმდინარე წლის 26 მარტს სამტრედიის მუნიციპალიტეტის V მოწვევის საკრებულოს საფინანსო-საბიუჯეტო საკითხთა კომისიის თავმჯდომარის, მერაბ უღრელიძის, თავმჯდომარეობით ჩატარდა საფინანსო-საბიუჯეტო საკითხთა კომისიის სხდომა.

**სხდომას ესწრებოდნენ:** მერაბ უღრელიძე, ბექა თევზაძე, ჯონი ახოზაძე, ტარიელ ცომაია, დავით ჯანელიძე, ირაკლი ძეგლაშვილი, აკაკი მინაშვილი, ვაჟა სტურუა, გივი ჯულაყიძე.

**ასევე სხდომას ესწრებოდა:**

1. ა.(ა).ი.პ. „სკოლამდელი აღზრდის დაწესებულებათა (ბალები და ბაგა-ბალები)გაერთიანებას დირექტორი - ხათუნა გაგუა. ბუღალტერი ნინო რუხაძე.
2. პირველადი სტრუქტურული ერთეულის საფინანსო-საბიუჯეტო სამსახურის ხელმძღვანელი - დავით ბაღდავაძე.

სხდომის თავმჯდომარე მიესალმა დამსწრე საზოგადოებას და წარადგინა დღის წესრიგით გათვალისწინებული საკითხი.

**დღის წესრიგი:**

1.„არასამეწარმეო (არაკომერციული) იურიდიული პირის, „სკოლამდელი აღზრდის დაწესებულებათა (ბალები და ბაგა-ბალები) გაერთიანების“ 2024 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2023 წლის 25 დეკემბრის N გ-63.632335910 განკარგულებაში ცვლილების შეტანის თაობაზე.

**/მომხსენებელი: საფინანსო-საბიუჯეტო საკითხთა კომისიის თავმჯდომარე: მერაბ უღრელიძე/**

3. ა.(ა).ი.პ. სამტრედიის მუნიციპალიტეტის გამწვანება და კეთილმოწყობის

გაერთიანების N62-2408216 22/03/2024წ. და N62-622408263 22/03/2024წ.  
წერილობითი მომართვების განხილვა.

**/მომხსენებელი: საფინანსო-საბიუჯეტო საკითხთა კომისიის  
თავმჯდომარე: მერაბ უღრელიძე/**

4. სამტრედიის მუნიციპალიტეტის 2023 წლის ბიუჯეტის შესრულების წლიური  
ანგარიშის დამტკიცების შესახებ.

**/მომხსენებელი: საფინანსო-საბიუჯეტო საკითხთა კომისიის  
თავმჯდომარე: მერაბ უღრელიძე/**

4. სხვადასხვა.

კომისიის თავმჯდომარის წინადადებით, კენჭისყრის შედეგად საფინანსო-  
საბიუჯეტო საკითხთა კომისიის წევრთა (9) ხმით კენჭი უყარეს დღის წესრიგს.

კენჭისყრის შედეგად, დღის წესრიგი საფინანსო-საბიუჯეტო საკითხთა კომისიის  
წევრთა (9) ხმით დამტკიცებულია წარმოდგენილი სახით.

**დღის წესრიგის I საკითხთან დაკავშირებით** მომხსენებელმა, მერაბ  
უღრელიძემ, კომისიის წევრებს გააცნო მუნიციპალიტეტის მერიის N62-62240869  
26/03/2024წ. კორექტირებული წერილობითი მომართვა. რომელიც ეხება  
„არასამეწარმეო (არაკომერციული) იურიდიული პირის, „სკოლამდელი აღზრდის  
დაწესებულებათა (ბალები და ბაგა-ბალები) გაერთიანების“ 2024 წლის ხარჯის  
დამტკიცების შესახებ“, სამტრედიის მუნიციპალიტეტის საკრებულოს 2023 წლის  
25 დეკემბრის N გ-63.632335910 განკარგულებაში ცვლილების შეტანის თაობაზე.

**მერაბ უღრელიძე** - მოგვხსენებთ, რომ მუნიციპალიტეტის მერიიდან შემოვიდა  
N62-62240869 26/03/2024წ. კორექტირებული წერილობითი მომართვა. საკითხი  
ეხება ა.ა)ი.პ. სამტრედიის მუნიციპალიტეტის სკოლამდელი აღზრდის  
დაწესებულებათა (ბალები და ბაგა-ბალები) გაერთიანების-ს ბიუჯეტის  
კორექტირებულ ცვლილებას, რომელიც გამოწვეულია შრომითი ხელშეკრულებით  
დასაქმებულ პირთა ანაზღაურების ფონდი განსაზღვრული იყო 10 თვეზე,  
ნაცვლად 9 თვისა. 2023 წლის 25 დეკემბრის # გ-63.632335910 განკარგულებით  
დამტკიცებულ 2024 წლის ბიუჯეტში მოხდეს ცვლილება, კერძოდ შტატგარეშე  
თანამშრომელთა რაოდენობის გაზრდას 1 (ერთი) ერთეულით, მეთოდისტის  
სახით ქალაქის #10 ბაგა ბაღში. მიზანშეწონილია სკოლამდელი განათლების  
ხარისხის და ხელმისაწვდომობის გაუმჯობესების თვალსაზრისით ბაგა-ბაღს  
ჰყავდეს მეთოდისტი, რომელიც პასუხისმგებელია ბაგა-ბაღში სასწავლო  
სააღმზრდელო პროცესის სწორად წარმართვაზე, აღნიშნული ცვლილება  
განხორციელდება შრომითი ხელშეკრულებით დასაქმებულ პირთა ანაზღაურების  
ფონდის ფარგლებში. ასევე ითხოვს მუხლობრივ ცვლილებას, კერძოდ შრომის  
ანაზღაურების მუხლის შემცირებას 10.0 ათ.ლარით. ( აღნიშნული ეკონომია  
გამოწვეულია მოკლევადიანი და გრძელვადიანი უხელფასო შვებულების ხშირი  
გამოყენებით, ასევე გაცემული ბიულეტენებიდან გამომდინარე). შესაბამისად  
დამქირავებლის მიერ გაწეული სოციალური დახმარების ხარჯის (ბიულეტენები)  
გაზრდას 3.0 ათ.ლარით, საქონელი და მომსახურების ხარჯში, კერძოდ ავეჯის  
ხარჯი 7.0 ათ.ლარით.

კომისიის წევრები დაეთანხმა შემოაღნიშნულს.

კომისიის წევრებმა იმსჯელა და

**დაადგინეს:** კენჭისყრის შედეგად საფინანსო-საბიუჯეტო საკითხთა კომისიის  
წევრთა 9(ხმით) მიიღეს გადაწყვეტილება, რომ საკითხი გავიდეს ბიუროს  
სნდომაზე განსახილველად.

**დღის წესრიგის II საკითხთან დაკავშირებით** მომხსენებელმა, მერაბ

ულრელიძემ, კომისიის წევრებს გააცნო მუნიციპალიტეტის მერიის N62-622408216 22/03/2024წ. და N62-622408263 22/03/2024წ. წერილობითი მომართვები. რომელიც ეხება ა.(ა)ი.პ. „სამტრედიის მუნიციპალიტეტის გამწვანებისა და კეთილმოწყობის გაერთიანების“ საკრებულოს 2023 წლის 25 დეკემბრის # გ-63.63233593 განკარგულებით დამტკიცებული 2024 წლის ბიუჯეტის გეგმაში 2024 წლის 1 იანვრისათვის არსებული საკუთარი სახსრების შემოსავლის ნაშთის 11.80 ათ.ლარის ასახვას; შესაბამისად ხარჯებში აღნიშნული 03 თანხით 11.80 ათ.ლარით არაფინანსური აქტივების გეგმის ზრდას. ასევე ითხოვს საკუთარი შემოსავლების ხარჯებში მუხლობრივ ცვლილებას, კერძოდ საქონლისა და მომსახურების ხარჯების გეგმის შემცირებას 6.0 ათ.ლარით, შესაბამისად არაფინანსური აქტივების გეგმის გაზრდას 6.0 ათ.ლარით.

მომხსენებელმა განმარტა, რომ ზემოაღნიშნული საკითხი შეჩერდეს N62-622408263 22/03/2024წ. წერილის სფუძველზე.

კომისიის წევრებმა იმსჯელა და

**დაადგინეს:** კენჭისყრის შედეგად საფინანსო-საბიუჯეტო საკითხთა კომისიის წევრთა 9(ხმით) მიიღეს გადაწყვეტილება, რომ საკითხი შეჩერდეს N62-622408263 22/03/2024წ. წერილის სფუძველზე და არ გავიდეს ბიუროს სხდომაზე განსახილველად.

**დღის წესრიგის III საკითხთან დაკავშირებით** მომხსენებელმა, მერაბ ულრელიძემ, კომისიის წევრებს გააცნო მუნიციპალიტეტის მერიის N62-62240607 29/02/2024წ.წერილობითი მომართვა. რომელიც ეხება საქართველოს ორგანული კანონის „საქართველოს საბიუჯეტო კოდექსის“ 86-ე მუხლის, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ა“ ქვეპუნქტისა და 89- ე მუხლის შესაბამისად სამტრედიის მუნიციპალიტეტის მერია წარმოგიდგენთ სამტრედიის მუნიციპალიტეტის 2023 წლის ბიუჯეტის შესრულების წლიურ ანგარიშს.

მომხსენებელმა აღნიშნა, რომ სამტრედიის მუნიციპალიტეტის 2023 წლის ბიუჯეტის

გადასახადების ფაქტობრივმა შესრულებამ 20,560.3 ათასი ლარი შეადგინა, რაც საპროგნოზო მაჩვენებლის (გეგმა 20,606.0 ათასი ლარი) 99.8 პროცენტია. წინა წლის ანალოგიურ მაჩვენებელთან (2022 წლის ფაქტი - 17,480.6 ათასი ლარი) შედარებით 3,079.7 ათასი ლარით მეტი შემოსავალია მიღებული, რაც ძირითადად დამატებული ღირებულების გადასახადზე მოდის.

**ქონების გადასახადიდან** საანგარიშო პერიოდში მიღებულია 3,031.0 ათასი ლარი, მათ შორის: საწარმოთა ქონების გადასახადიდან (გარდა მიწისა) მიღებულია 1,645.6 ათასი ლარი, ფიზიკურ პირთა ქონებაზე გადასახადიდან (გარდა მიწისა) - 36.0 ათასი ლარი, ხოლო მიწის გადასახადიდან - 1,349.4 ათასი ლარი. წინა წლის მაჩვენებელთან (2022 წლის ფაქტი - 3,178.5 ათასი ლარი) შედარებით 147.5 ათასი ლარით ნაკლები შემოსავალია მიღებული, რაც ძირითადად საქართველოს საწარმოთა ქონებაზე (გარდა მიწისა) გადასახადზე მოდის.

**დამატებული ღირებულების გადასახადიდან** მიღებულია 17,529.3 ათასი ლარი. წინა წლის ანალოგიურ მაჩვენებელთან (2022 წლის ფაქტი - 14,302.1 ათასი ლარი) შედარებით 3,227.2 ათასი ლარით მეტი შემოსავალია მიღებული. დღგ-ს ზრდა გამოწვეულია 2023 წელს ეკონომიკური ზრდის შედეგად, განახლებული მაკროეკონომიკური და ფისკალური პროგნოზების

გათვალისწინებით.

Ø დამტკიცებულ ბიუჯეტში საქართველოს სახელმწიფო ბიუჯეტიდან მისაღები მიზნობრივი ტრანსფერის ოდენობა განისაზღვრა - 375.0 ათასი ლარით, დელეგირებული უფლებამოსილების განსახორციელებლად, ფაქტობრივად ჩარიცხულია - 360.4 ათასი ლარი.

Ø საქართველოს მთავრობის 2022 წლის 29 დეკემბრის N2475 განკარგულებით, საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ, სამტრედიის მუნიციპალიტეტს გამოეყო 6,163.2 ათასი ლარი, ფაქტობრივად ჩარიცხულია - 6,138.3 ათასი ლარი.

Ø საქართველოს მთავრობის 2023 წლის 20 იანვრის N116 განკარგულებით, „სტიქიის შედეგების სალიკვიდაციო ღონისძიებების განხორციელების თაობაზე“, სამტრედიის მუნიციპალიტეტს გამოეყო - 2,760.0 ათასი ლარი, ფაქტობრივად ჩარიცხულია - 2,760.0 ათასი ლარი.

Ø საქართველოს მთავრობის 2023 წლის 17 მარტის N545 განკარგულებით, საჯარო ფინანსების მართვის რეფორმის 2018-2021 წლების სტრატეგიის ფარგლებში ზოგიერთი მუნიციპალიტეტის მიერ ფინანსების მართვის გაუმჯობესების ხელშეწყობის მიზნით 2022 წელს განსაზღვრული ღონისძიებების შესრულებიდან გამომდინარე, ზოგიერთი მუნიციპალიტეტისთვის კაპიტალური გრანტის გამოყოფის შესახებ, სამტრედიის მუნიციპალიტეტს გამოეყო - 100.0 ათასი ლარი, ფაქტობრივად ჩარიცხულია - 100.0 ათასი ლარი.

Ø საქართველოს მთავრობის 2023 წლის 23 იანვრის N147 განკარგულებით, ზოგიერთი მუნიციპალიტეტისათვის უფლებამოსილებების ხელშეკრულების საფუძველზე დელეგირების შესახებ, საჯარო სკოლის მოსწავლეთა ტრანსპორტირების უზრუნველყოფის მიზნით, სამტრედიის მუნიციპალიტეტს გამოეყო - 720.8 ათასი ლარი, ფაქტობრივად ჩარიცხულია - 657.6 ათასი ლარი.

Ø საქართველოს მთავრობის 2023 წლის 23 იანვრის N147 განკარგულებით, ზოგიერთი მუნიციპალიტეტისათვის უფლებამოსილებების ხელშეკრულების საფუძველზე დელეგირების შესახებ, საჯარო სკოლების ინფრასტრუქტურის გაუმჯობესების მიზნით, სამტრედიის მუნიციპალიტეტს გამოეყო - 230.2 ათასი ლარი, ფაქტობრივად ჩარიცხულია - 227.2 ათასი ლარი.

Ø საქართველოში გაეროს განვითარების პროგრამის (შემდგომში UNDP) პროექტის „მერები ეკონომიკური ზრდისთვის“ მუნიციპალიტეტს გამოეყო - 161.3 ათასი ლარი. ფაქტობრივად ჩარიცხულია - 148.2 ათასი ლარი.

Ø საქართველოს მთავრობის 2022 წლის 29 დეკემბრის N2476 განკარგულებით“ საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში მუნიციპალიტეტებისათვის თანხის გამოყოფის შესახებ“, სამტრედიის მუნიციპალიტეტს გამოეყო - 660.0 ათასი ლარი, ფაქტობრივად ჩარიცხულია - 660.0 ათასი ლარი.

**\*შენიშვნა:** ნებაყოფლობითი ტრანსფერების (გრანტების გარეშე) გადაჭარბება განაპირობა 2023 წლის ბოლოს გარკვეული პროექტების გეგმა-გრაფიკის

დარღვევით შესრულებამ, რაზეც შემსრულებელს დაეკისრა პირვასამტეხლო ხელშეკრულების პირობების დარღვევის გამო.

სამხედრო სავალდებულო სამსახურის გადავადების მოსაკრებლის ფაქტობრივმა შესრულებამ ბოლო სამი წლის განმავლობაში მიღებული ანალოგიური მაჩვენებლის საშუალო ოდენობას მნიშვნელოვნად გადააჭარბა.

ვალდებულებების კლება წარმოადგენს მუნიციპალიტეტის მიერ 2018-2026 წლებში სსიპ საქართველოს მუნიციპალური განვითარების ფონდიდან მიღებულ სესხის (დასუფთავების სპეცტექნიკა და 100 ურნა) დაფარვას. მგფ-ის მიმართ მუნიციპალიტეტის სასესხო დავალიანება 2024-2026წწ დასაფარი დავალიანება შეადგენს 175.3 ათას ლარს.

2023 წლის 1 იანვრის მდგომარეობით მუნიციპალიტეტის ანგარიშზე ირიცხებოდა ნაშთი 6,129.3 ათასი ლარი, აღნიშნული ნაშთიდან 2,083.1 ათასი ლარი შეაგდენდა სახელმწიფო ბიუჯეტიდან გამოყოფილი სახსრების ნაშთს, ხოლო 4,046.2 ათასი ლარი - ადგილობრივი ბიუჯეტით არსებულ ნაშთს. საანგარიშო წლის განმავლობაში ფულადი სახსრების (ნაშთის) გამოყენებამ შეადგინა 5,629.2 ათასი ლარი, მათ შორის მთავრობის - 1,745.2 ათასი ლარი და ადგილობრივი ბიუჯეტით - 3,884.0 ათასი ლარი, ხოლო ფულადი სახსრების (ნაშთის) დაგროვებამ შეადგინა - 3,147.3 ათასი ლარი, მათ შორის მთავრობის 1,065.5 ათასი ლარი და ადგილობრივი ბიუჯეტით - 2,066.2 ათასი ლარი. (2023 წლის განმავლობაში განხორციელებული პროექტების შედეგად დარჩენილი ნაშთისა და მიღებული შემოსულობების შესაბამისად)

2024 წლის 1 იანვრის მდგომარეობით მუნიციპალიტეტის ანგარიშზე არსებულმა ნაშთმა მთლიანობაში შეადგინა 3,647.4 ათასი ლარი, მათ შორის სახელმწიფო ბიუჯეტიდან გამოყოფილი სახსრები შეადგენს - 1,403.4 ათას ლარს, ხოლო ადგილობრივი ბიუჯეტიდან - 2,244.0 ათას ლარს.

სამტრედიის მუნიციპალიტეტის 2023 წლის ბიუჯეტის გადასახდელების დაფინანსებამ 38,124.1 ათასი ლარი შეადგინა, რაც საპროგნოზო მაჩვენებლის (41,586.3 ათასი ლარი) 91.7 პროცენტია.

საანგარიშო წელს მართველობა და საერთო დანიშნულების ხარჯებმა 5,190.0 ათასი ლარი შეადგინა, რაც გეგმიური მაჩვენებლის (5,477.0 ათასი ლარი) 94.8 პროცენტია. აღნიშნული პროგრამით დაფინანსდა შემდეგი მიმართულებები: 1. საკანონმდებლო და აღმასრულებელი ხელისუფლების საქმიანობის უზრუნველყოფა ხარჯები: სამტრედიის საკრებულო - 1,046.5 ათასი ლარი, მუნიციპალიტეტის მერია - 3,790.8 ათასი ლარი, ქვეყნის თავდაცვისუნარიანობის ამაღლების ხელშეწყობა (დელეგირებული უფლებამოსილება) - 238.4 ათასი ლარი (მიზნობრივი ტრანსფერით დაფინანსდა 238.3 ათასი ლარი) 2. საერთო დანიშნულების ხარჯი: მუნიციპალური განვითარების ფონდიდან მიღებული სესხების მომსახურებაზე გაიწია 95.8 ათასი ლარი, მათ შორის ძირითადი ვალდებულება შემცირდა 70,1 ათასი ლარით, მომსახურების პროცენტმა შეადგინა 25.7 ათასი ლარი. კადრების მომზადება-გადამზადებასთან, კვალიფიკაციის ამაღლებასა და სტაჟირებასთან დაკავშირებული ხარჯი 18.5 ათასი ლარი.

ამით დღის წესრიგით გათვალისწინებული საკითხები ამოწურულია.

**სხდომის მდივანი: / ლია ყურულაშვილი/**

მერაბ უღრელიძე

სამტრედიის მუნიციპალიტეტის საკრებულო-  
საკრებულოს საფინანსო-საბიუჯეტო საკითხთა  
კომისია-საკრებულოს საფინანსო-საბიუჯეტო  
საკითხთა კომისიის თავმჯდომარე

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

